

Кузь нэм да бур шуд!



Эжва йывлөн слава

Елизавета Александровна Санина

Чужис 1938 вося июнь 6 лунö Ручын. Сыктывкарса медучилище помалом бõрын уджалис Ручса, Лунпокаса, Дзольса да Керчомъяса бурдõдчанинъясын фельдшер-õн, 25 во - Куломдинса шõр бурдõдчанинлõн челядь чужтанинын да нывбабаяслõн жырийын акушеркаõн, 15 во - физкабинетын. Медицина юкõнын ставсõ уджалис 45 во. Социалистической уджывивса вермысь.

Верõсыкõд быдтис да велõдис нылõс.

Бур уджысь сетисны СССР-лõн здравоохранениеса отличниклысь ним, «Уджывивса ветеран» медаль, почёт грамотаяс да ошкана гижõдъяс.

Õни шойчõг вылын, олõ Куломдинын.



Дардасор

Эжва йывса войтырлõн газет

Петõ 1929 восянь

Субõта, 2011 вося август 27 лун

104 (10379)-õд №

Йõз
шог вылõ
ән радлы

(коми шусыõг)

Тõдõй, мый выльыс

Вõлi видеоконференция

Август 20 лунõ вõлi Коми республикалõн 90 вося юбилейлы сийм видеоконференция.

Петкõдчисны Санкт-Петербург, Сыктывкар, Инта да Куломдин. Куломдинса студияын вõлины районас юралысь Д.А.Шатохин да районас пыдди пуктана морт М.К.Игнатов. Водзаяс чолõмалис петкõдчысысõс.

Конференция вõлi водза да õния кадса юкõнъясысь. Бõрыннас гажõдис ветеранъяслõн «Красная гвоздика» хор.

Сетисны лицензияс

Районас комиссия примитис да сетис лицензияс Кужса да Озъягса школаяслы да садъяслы.

Бысь дорйысыясынь вõлi вель уна индõд, найõс бырõдõма. Сентябрь 1-õд лунõдз дзоньталасны Озъягса шõр школалысь вевтсõ да Кужса детсадийын помõдз вильмõдасны электрорпровод.

ЕНМА ГАЖ

Ен мамлõн усепнõ лункõд йитõдын праздник лõб Ульянаса манастирын.

Август 28 лунõ Куломдинса Петыр-Павел вичко дорсянь, Кебантёлõ да Кужийõ пыраломõн, мунас манастирõдз крестной ход. Август 29 лунõ асывнас манастирлõн Успенской храмын енма литургияõн петкõдчас Сыктывкарса да Воркутаса епископ Питирим. Та бõрын лõб концерт, õтувъя пызан, манастирõн тõдмасыõм.

Праздниксõ õтув нуõдõны Куломдин районас администрация, республикаысь национальной туйвизь кузя министерство да Сыктывкарса да Воркутаса Епархия.

Дзольса свадьба

Август 20 лунõ Дзоллын вõлi таво вылõ медводза свадьба.

Õтувтчисны Дзоллысь Василий Золотарёв да Куломдинысь Галина Нестерова. Томъяс да найõс нимõдысыяс Дзольсянь Габовõ лещан туй бокин Риза чалльõг да Риза ёль костын (сиктсынь куйм верст) востисны невестаяслысь эрд, кодõс мичмõдисны уна рõма лентаясõн да мукõд вõчõмторъясõн.

Ручын виль вичко

Август 20 лунõ Сыктывкарса да Воркутаса епископ Питирим Ручын вежõдис пророк Ильялысь виль вичко.

Кык воон отсалыс кыпõдны ас вылõ уджалысь В.И.Игушев. Кольõм вежонсянь Ручса олысыяс висьтасыõны, гозйõдчõны, пыртчõны виль вичкоын. Служба нуõдны кутас волывлыны Дереваннойысь вежа ай Гермоген.

Водительыс кулис

Август 24 лунõ Зимстан-Дзоль туйлõн 22-õд километр вылын лоис неминуча.

Люкасины ВАЗ-2110 да «Мицубиси». «Жигулилõн» водительыс кувсис места вылын. Тыр арлыдтõм кык морт доймалисны, õтиыс зев ёна. Доймалис и «Мицубисилõн» водитель. Люкасиныс ыджыд õдõн муном вõсна.

Асланым да общ. корреспондентъяс.



27 воысь дырджыкнин веськõдлõ Улыс Вочса «Оз тусь» детсадийõн Клавдия Елизаровна Морохина. Тайõ садийыс районын õти, кодõ песни войтырõс велõдõ коми национальной лабораторияõн вõзйõм «Дзольюк» программа серти. Та могысь садийын эм музей сяма жыр, кодõ петкõдлõ коми оласног. Сәни пуысь вõчõм дозмук, ас кийн кыõмторъяс, весиг эм потан. Õти кадõ, кор эз ло сиктын нянь пõжаланин, ыджыд пачас пõжавлисны челядылы нянь.

К.Е.Морохиналõн веськõдлõм улын детсадса уджалысыяс вõдитõны картофель, быдтõны капуста, õгурцы, кабачки да мукõд градывыс пуктас. Асыныс жõ идралõны. Маринуйтõны-солалõны, тõвйõдõны видзанинын. Сийõ тырмõ во гõгõр чõж. Асыныс жõ дзоньтасыõны да сõс-тõммõдчõны.

Гижõд да снимок Иван ТАРАБУКИНЛõн.

КОМИ РЕСПУБЛИКАЫН

Велõдõм бурмõдõм могысь

Тавося сентябр 1 лунсянь кутас пõртсыны олõмõ Коми республикаын велõдõм бурмõдõм бала. Та йылысь сёрнитисны велõдõм бурмõдан сõветлõн заседание вылын, кодõс нуõдис Коми республикаса юралысысõс вежысь Виталий Стаханов.

«Колõ быть пõртны олõмõ велõдõм бурмõдõм кузя индõдъяс кыдзи исполнительной власьтõн, сидзи и местаяс вылын ашõр веськõдлан органъясõн. Босьтны кõ боръя вося, то тайõ баласõ олõмõ пõртõм вылõ веськõдõма медся уна сьõм, кодõ муно велõдан юкõнлы. Медся тõдчана туйвизыяс лыдын - школаясын велõдысыяслысь удждон кыпõдõм, велõдõм кузя õтувъя государственной стандарт вылõ вуджõм, том специалистъясысõс кыскõм», - тõдчõдис Виталий Стаханов.

Коми республикаысь велõдõм кузя министр Владимир Шарковлõн кывъяс серти, 2011 вося июнь 1 лунсянь Коми республикаын содис бюджет юкõнын уджалысыяслы вештысян фонд (шõркодя 6,5 процент вылõ), сы лыдын школаясын велõдысыяслы. Сентябрь 1 лунсянь школаясын велõдысыяслы вештысян фонд содас шõркодя 22 процент вылõ. Сидзжõ содасы том специалистъяслы содтõдъяс да õтувъя государственной

экзаменъяс кежлõ велõдчысыясысõс бура дасьтõмысь, велõдчысыяс пõвстын республикаса да Ставроссияса олимпиадаясын вермысыясысõс дасьтõмысь быд тõлысыяс содтõдъяс.

2011 вося октябрь 1 лунсянь урчитõма содтыны 6,5 процент вылõ удждон фондсõ велõдан учреждениеса мукõд велõдан, веськõдлан, отасыя да могмõдан уджалысыяслы.

В.Стахановлõн висьталõм серти, Коми республикаса правительство примитис нин колана нормативно-правовой актъяс да урчитис сьõмõн могмõдõм.

Велõдõм бурмõдõм могысь урчитõма:

- нуõдны велõдчанинъясын дзоньтасыя уджъяс;
- нуõдны энергия видзтан мероприятиясыя;
- лõсьõдны-нõбны математикаысь, начальной классъяслысь, роч кывйысь да литератураысь жыръяс;
- содтыны велõданинъясса библиотекасынын книга лыд;
- нõбны компьютеръяс;
- велõдан мастерскойяслы нõбны станокъяс да курсан оборудование;
- нõбны медицинаõн могмõдõм вылõ физиотерапевтической оборудование;
- нõбны вердчанинъясысõ технологической оборудование;
- нõбны челядыс новлõдлõм вылõ автобусъяс.

Коми республикаса юралысьлõн да правительстволõн пресс-служба.

